



## Gradonačelnik

Broj: 07-2461/23

Datum: 26.12.2023. godine

Gradonačelnik na osnovu člana 70. i člana 111. stav (13) Zakona o javnim nabavkama ("Službeni glasnik BiH", broj: 39/14 i 59/22), Rješenja Ureda za razmatranje žalbi Filijala/Podružnica Mostar broj: JN2-03-07-1-3184-8/23 od 30.11.2023. godine, čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po zapisniku broj: 07-2461/23 od 13.12.2023. godine, **d o n i o j e:**

### **O D L U K U O IZBORU PONUĐAČA**

#### **I**

Prihvata se preporuka Komisije za javnu nabavku, po zapisniku broj: 07-2461/23 od 13.12.2023. godine te se Ugovor za **javnu nabavku softvera DMS za praćenje i kontrolu kretanja predmeta i dokumenata za potrebe gradske uprave Srebrenik** dodjeljuje ponuđaču „**INFONET**“ d.o.o. Tuzla u iznosu **105.600,00 KM (bez PDV-a)**, odnosno u iznosu od **123.552,00 KM (cijena sa uračunatim PDV-om)**, a u skladu sa ponudom broj: *107-001-229/2023 od 24.07.2023. godine.*

#### **II**

Izabrani ponuđač je dužan u roku od 7 dana od dana prijema ove odluke, dostaviti dokaze po članu 45. stav (2) Zakona o javnim nabavkama iz tačke 12. tenderske dokumentacije. Dokaze koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

#### **III**

Ovom Odlukom stavlja se van snage Odluka o usvajanju žalbe broj 07-2461/23 od 24.10.2023. godine i pripadajući Zapisnik broj 07-2461/23 od 23.10.2023. godine.

#### **IV**

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji je učestvovali u postupku javne nabavke, u skladu sa članom 70. stav 6. Zakona o javnim nabavkama.

### **O B R A Z L O Ź E N J E**

Grad Srebrenik pokrenuo je postupak javne nabavke putem otvorenom postupka za javnu nabavku softvera DMS za praćenje i kontrolu kretanja predmeta i dokumenata za potrebe gradske uprave Srebrenik, objavljen na Portalu javnih nabavki, obavještenje o nabavci broj: 761-1-2-29-3-33 od 18.07.2023. godine i Ispravka Obavještenja o nabavci broj: 761-1-2-29-





8-50/23 od 12.09.2023. godine i sažeci obavještenja o nabavci, objavljeni u „Službenim glasniku BiH“ broj: 51/23 od 04.08.2023.godine i 63/23 od 15.09.2023. godine.

Nakon provedenog postupka ugovorni organ je donio Odluku o poništenju postupka javne nabavke, broj: 07-2461/23 od 29.09.2023. godine, jer nijedna od primljenih ponuda nije prihvatljiva. Odluka o poništenju postupka broj: 07-2461/23 od 29.09.2023. godine, u zakonom predviđenom roku dostavljena je svim ponuđačima koji su učestvovali u postupku javne nabavke zajedno sa Zapisnikom o pregledu i ocjeni ponuda, broj: 07-2461/23 od 20.09.2023. godine.

Ponuđači “INFOSTUDIO” d.o.o. Sarajevo i “INFONET” d.o.o. Tuzla izvršili su uvid u ponude, o čemu su sačinjeni Zapisnici broj: 07-2461/23 od 06.10.2023. godine i 17.10.2023. godine.

Ponuđač “INFONET” d.o.o. Tuzla blagovremeno je podnio žalbu putem e-maila dana 19.10.2023. godine, a zatim i poštom dana 20.10.2023. godine (protokolisana pod brojem: 07-34/23 od 20.10.2023. godine).

Po prijemu predmetne žalbe, a u skladu sa članovima 97. i 100. Zakona o javnim nabavkama, utvrđeno je da je žalba blagovremena, dozvoljena i izjavljena od ovlaštenog lica, čime su ispunjene procesne pretpostavke za razmatranje iste.

Komisija je pristupila detaljnoj provjeri navoda iz žalbe, izvršila uvid u kompletnu dokumentaciju, ponovno analizirala dokaze, te utvrdila da je žalbeni navod žalitelja osnovan, odnosno da je ponuđač “INFONET” d.o.o. Tuzla uredno dostavio traženu izjavu, što njihovu ponudu čini prihvatljivom. Obzirom da i ponuda ponuđača “ORKA” d.o.o. Sarajevo, odbačena iz istog razloga, Komisija je predložila da se postupak predmetne javne nabavke nastavi sa prihvatljivim ponudama ponuđača “INFONET” d.o.o. Tuzla i “ORKA” d.o.o. Sarajevo.

Po preporuci Komisije, Ugovorni organ donio je Odluku o usvajanju žalbe i stavljanju van snage Odluke o poništenju postupka javne nabavke broj: 07-2461/23 od 24.10.2023. godine.

Dana 03.11.2023. godine Ugovorni organ je putem e-maila, a zatim i poštom, dana 06.11.2023. godine, zaprimio žalbu izjavljenu od strane ponuđača “INFONET” d.o.o. Tuzla, zavedenu pod ev. brojem: 07-37/23 (u daljem tekstu: žalilac) na Zapisnik komisije za javne nabavke i pripadajuću Odluku br. 07-2461/23 od 24.10.2023. godine i istu prosljedio Komisiji, koja je je razmatrajući predmetnu žalbu, utvrdila da je ista blagovremena, dopuštena i izjavljena od strane ovlaštenog lica. Komisija je, nakon razmatranja navoda istaknutih u žalbi, konstatovala da se žalbeni navodi žalilaca „INFONET“ d.o.o. Tuzla ne mogu prihvatiti kao osnovani. Naime, pod 8. Projektni zadatak, u tački 8.1. Tenderske dokumentacije nije eksplicitno nevedeno u kojem vremenskom periodu/roku su ponuđači dužni dostaviti web adresu za testiranje aplikacije sa pristupnim parametrima sa demo korisnicima koji imaju admin ulogu u ponuđenom rješenju. Navedena web adresa nije odlučujući faktor koji će uticati na izbor ponuđača, nego je to isključivo kriterij *najniža cijena*. Web adresa za testiranje aplikacije sa pristupnim parametrima sa demo korisnicima koji imaju admin ulogu u ponuđenom rješenju služi samo za mogućnost izvršavanja uvida u ponuđeni softver i utvrđivanja da li isti zadovoljava minimum traženih uslova i kriterija, a sve to nakon izbora najpovoljnijeg ponuđača prilikom realizacije predmetnog ugovora. Činjenica jeste da ponuđač „ORKA“ d.o.o. Sarajevo nije dostavio na odgovarajući način traženu Web adresu za testiranje





aplikacije sa pristupnim parametrima sa demo korisnicima koji imaju admin ulogu iz tačke 8.1. Tenderske dokumentacije, međutim, pomenuta Web adresa nije eliminirajući faktor prilikom izbora najpovoljnije ponude. Istu izabrani ponuđač može dostaviti i u roku koji bude određen naknadno u Odluci o izboru ponuđača, a nakon nastavka postupka javne nabavke sa prihvatljivim ponudama ponuđača "INFONET" d.o.o. Tuzla i "ORKA" d.o.o. Sarajevo. Stoga je Komisija predložila ugovornom organu da žalbu sa kompletnom dokumentacijom proslijedi Uredu za razmatranje žalbe, Filijala Mostar sa prijedlogom Uredu za razmatranje žalbi da žalbu odbije kao neosnovanu, a što je ugovorni organ i prihvatio.

Dana 04.12.2023. godine Ugovorni organ je zaprimio Rješenje Ureda za razmatranje žalbi, Filijala/Podružnica Mostar (dalje: Rješenje URŽ-a) broj: JN2-03-07-1-3184-8/23 od 30.11.2023. godine kojim se usvaja žalba žalitelja „Infonet“ d.o.o. Tuzla, izjavljena na Odluku o usvajanju žalbe broj 07-2461/23 od 24.10.2023. godine i Zapisnik broj: 07-2461/23 od 23.10.2023. godine u predmetu nabavke. „Nabavka softvera DMS za praćenje i kontrolu kretanja predmeta i dokumenata za potrebe Gradske uprave Srebrenik“ kao osnovana, te se poništava Odluka o usvajanju žalbe broj 07-2461/23 od 24.10.2023. godine i Zapisnik broj 07-2461/23 od 23.10.2023. godine i predmet vraća ugovornom na ponovni postupak. Ured za razmatranje žalbi, Filijala/Podružnica Mostar u obrazloženju Rješenja između ostalog navodi sljedeće

*Žalba je osnovana.*

...

*„Odredbama člana 53. Stav (1) ZJN-a propisano je da je Ugovorni organ dužan pripremiti tendersku dokumentaciju u skladu s odredbama ovog zakona i podzakonskim aktima. U tenderskoj dokumentaciji ugovorni organ daje potpune informacije o uslovima ugovora i postupku dodjele ugovora, a koji su kandidatima/ponuđačima dovoljni za pripremu zahtjeva za učešće, odnosno ponuda na stvarno konkurentskoj osnovi, dok je članom 57. Stav (1) propisana obaveza za ponuđače da se u postupku javne nabavke kandidat/ponuđač pridržava zahtjeva i uslova iz tenderske dokumentacije.*

*Ocjenjujući žalbeni navod u kontekstu raspoloživih činjenica u spisu predmeta i dostavljenih dokaza ovaj organ konstatuje da je tačkom 8. Predmetne tenderske dokumentacije propisano da ... Kako bi se ponuda smatrala prihvatljivom, ponuđena usluga mora zadovoljiti sve traženo iz dijela tenderske dokumentacije – Prilog III (Obrazac za cijenu ponude)... te su: „Svi ponuđači dužni osim popunjenog i potpisanog Priloga III dostaviti i web adresu za testiranje aplikacije sa pristupnim parametrima sa demo korisnicima koji imaju admin uslugu u ponuđenom rješenju.“, što osporavani ponuđač „ORKA“ d.o.o. Sarajevo u svojoj ponudi nije dostavio, zbog čega se žalbeni navod ocjenjuje osnovanim. Za ovaj organ je neprihvatljivo izjašnjenje Ugovornog organa koji post festum tumači predmetnu tendersku dokumentaciju, na način da ... zahtjevana web adresa nije odlučujući faktor koji će uticati na izbor ponuđača, nego je to isključivo kriterij najniža cijena, odnosno da Web adresa za testiranje aplikacije sa pristupnim parametrima služi samo za mogućnost izvršavanja uvida u ponuđeni softver i utvrđivanja da li isti zadovoljava minimum traženih uslova i kriterija, a sve to nakon izbora najpovoljnijeg ponuđača prilikom realizacije predmetnog ugovora, jer Ugovorni organ je propisao jasne informacije u tački 8. Predmetne tenderske dokumentacije, kako je propisano u članom 53. stav (1) ZJN-a.*





Na osnovu svega navedenog, ovaj organ ističe da su navodi žalitelja iz predmetne žalbe osnovani, zbog čega se žalba usvaja, te se poništava Odluka o usvajanju žalbe broj 07-2461/23 od 24.10.2023. godine i Zapisnik broj 07-2461/23 od 23.10.2023. godine i predmet vraća na ponovni postupak, u kojem će Ugovorni organ postupiti po naprijed utvrđenim stavovima i u skladu sa Zakonom o javnim nabavkama i podzakonskim aktima iz javnih nabavki.“

Isto Rješenje proslijeđeno je Komisiji za javne nabavke na uvid i dalje razmatranje.

**Komisija je prihvatila i usvojila Rješenje URŽ-a**, kojim se žalba žalitelja „Infonet“ d.o.o. Tuzla **usvaja**, te predložila ugovornom organu da postupi po istom, na način da donese Odluku kojom se ugovor za javnu nabavku softvera DMS za praćenje i kontrolu predmeta i dokumenata za potrebe gradske uprave Srebrenik dodjeljuje ponuđaču „INFONET“ d.o.o. Tuzla, čija je ponuda jedina prihvatljiva i stavlja van snage Odluka o usvajanju žalbe broj 07-2461/23 od 24.10.2023. godine i pripadajući Zapisnik broj 07-2461/23 od 23.10.2023. godine, što je **ugovorni organ prihvatio i odlučio kao u dipozitivu**.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 4x,
2. Evidenciji,
3. Arhivi



GRADONAČELNIK

Adnan Bjelić

